

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), u otvorenom postupku nabavke radova s namjerom provođenja e-aukcije – Rekonstrukcija i asfaltiranje dijela ulice Mirsada Crnkića, Bosanska Krupa-III faza, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

**ODLUKU**  
**o izboru najpovoljnijeg ponuđača**

1. Prihvata se ponuda ponuđača **d.o.o. „BC-GRADNJA“ Bos.Krupa**, u predmetu nabavke radova: Rekonstrukcija i asfaltiranje dijela ulice Mirsada Crnkića, Bosanska Krupa- III faza, **sa cijenom u ukupnom iznosu 15.484,00 KM bez PDV-a, odnosno 18.116,28 KM sa PDV-om.**
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke.
3. Po konačnosti ove odluke sa izabranim ponuđačem potpisat će se ugovor o izvođenju radova na rekonstrukciji i asfaltiranju dijela ulice Mirsada Crnkića, Bosanska Krupa- III faza.

**O b r a z l o ž e n j e**

Postupak javne nabavke pokrenut je posebnom odlukom o pokretanju postupka javne nabavke broj: 07-11-5-7711/23 od 26.9.2023. godine. Javna nabavka je provedena putem otvorenog postupka s namjerom provođenja e-aukcije– Rekonstrukcija i asfaltiranje dijela ulice Mirsada Crnkića, Bosanska Krupa – III faza. Obavještenje o nabavci broj: 1272-1-3-128-3-119/23 od 26.9.2023. godine - objavljeno na portalu JN (TD preuzelo ukupno 7 ponuđača) i u „Službenom glasniku BiH“, broj: 67/23 od 29.9.2023. godine.

Po objavljenom obavještenju rok za prijem ponuda je bio 17.10.2023. godine do 14:00 sati. Do označenog roka za prijem ponuda na protokol Ugovornog organa pristiglo je pristigle ukupno 2 (dvije) ponude, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda:

1. Ponuđač d.o.o. „KOV-GRAD“ Bužim broj protokola: 07-11-5-7711-2/23, 17.10.2023. godina u 10:15 sati
2. Ponuđač d.o.o. „BC-GRADNJA“ Bos.Krupa broj protokola: 07-11-5-7711-3/23, 17.10.2023. godina u 10:17 sati

Komisija za provođenje postupka javne nabavke je u skladu sa tenderskom dokumentacijom dana 17.10.2023. godine u 14,30 sati izvršila javno otvaranje ponuda i na zapisnik konstatovala:

1. **d.o.o. „KOV-GRAD“ Bužim**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **15.500,00 KM bez PDV,**  
PDV **2.635,00 KM**  
ukupna cijena ponude: **18.135,00 KM sa PDV- om,**  
Nema popusta

2. **d.o.o. „BC-GRADNJA“ Bos.Krupa**, dostavljena ponuda (original i kopija) uredno zapakovana i bez vidnih oštećenja, ponudio je:  
cijena ponude: **15.500,00 KM bez PDV**,  
PDV **2.635,00 KM**  
ukupna cijena ponude: **18.135,00 KM sa PDV- om**,  
Nema ponusta

Komisija za provođenje postupka javne nabavke je izvršila evaluaciju dostavljenih ponuda i konstatovala da su ponude ponuđača d.o.o. „BC-GRADNJA“ Bos.Krupa i d.o.o. „KOV-GRAD“ Bužim potpune, ispravne u formalno-pravnom smislu (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze), kao i da računskih grešaka nije bilo te da je cijena ponude u okviru procijenjene vrijednosti.

S obzirom na navedeno Komisija je predložila ugovornom organu da zakaže e-aukciju sa kvalifikovanim ponuđačima: d.o.o. „BC-GRADNJA“ Bos.Krupa i d.o.o. „KOV-GRAD“ Bužim , u skladu s Pravilnikom o uslovima i načinu korištenja e-aukcije (“Službeni glasnik BiH”broj 66/16 od 06.09.2016 godine).

Provođenje e-aukcije je zakazano za dan 20.10.2023. godine u 14:30 h i ista je trajala od 14:30 h do 14:40 h. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

1. **Ponuđač d.o.o. „BC-GRADNJA“ Bos.Krupa** konačna cijena ponude iznosi **15.484,00 KM bez PDV-a**, pa ukupna cijena ponude iznosi **18.116,28 KM sa PDV-om**, (početna cijena ponude umanjena za 0,1%);
2. **Ponuđač d.o.o. „KOV-GRAD“ Bužim**, konačna cijena ponude iznosi **15.500,00 KM bez PDV-a**, pa ukupna cijena ponude iznosi **18.135,00 KM sa PDV-om**, (početna cijena ponude nije umanjena);

Komisija je konstatovala da procijenjena vrijednost nabavke radova: Rekonstrukcija i asfaltiranje dijela ulice Mirsada Crnkića, Bosanska Krupa- III faza sljedeća: 15.500,00 KM bez PDV-a, odnosno 18.135,00 KM sa PDV-om.

Nakon provedene e-aukcije sa kvalifikovanim ponuđačima Komisija je konstatovala da je cijena prvorangirane ponude ponuđača d.o.o. „BC-GRADNJA“ Bos.Krupa u vrijednosti 15.484,00 KM bez PDV-a, u okviru procijenjene vrijednosti predmetne nabavke, pa je Komisija za provođenje postupka javne nabavke predložila Ugovornom organu da donese Odluku o izboru najpovoljnijeg ponuđača, i to prvorangiranog ponuđača d.o.o. „BC-GRADNJA“ Bos.Krupa i zaključi Ugovor.

S obzirom da je kriterij za dodjelu ugovora „najniža cijena tehnički zadovoljavajuće ponude, “ i da je ponuda ponuđača d.o.o. „BC-GRADNJA“ Bos.Krupa prvorangirana i da je u okviru procijenjene vrijednosti predmetne nabavke, Ugovorni organ je prihvatio prijedlog Komisije i odlučio kao u dispozitivu odluke.

### **Pouka o pravnom lijeku**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obradivač:  
Selma Bužimkić, dipl. pravnik

**GRADONAČELNIK**  
Armin Halitović

Dostavljeno:  
1. d.o.o. „BC-GRADNJA“ Bosanska Krupa, putem e-maila  
2. d.o.o. „KOV-GRAD“ Bužim, putem e-maila  
3. U spis  
4. a/a